

Item wan ein pfert den wurm hot, er sei wie er
wöll, peissend oder auswerffend, so mach dem
pfert an die stirn ein + vnd sprich: im namen
des vatters; far im dornoch mit der hant von
orn an bis an den schwancz vnd mach dornoch
zwei + vff den schwancz sprechend: im namen des
suns vnd des Heiligen geists; vnd so das gesche-
hen ist, so sprich diesen hernoch geschriben
segen: Ich gebeut euch⁺ wurme bei dem namen der
heiligen dreifaltigkeit; das du ausgest von disem
N, aus seinem kopff, aus seinem hals, aus seinem
leib, aus seinen wampen, aus seinen dermen vnd
aus allem seinem gebein, vnd lost dir diesen N.
als vnmer sein, als vnmer der mensch got ist,
der ein vngerechts recht vber ein gerechten men-
schen wissiglich spricht. In namen des vatters
vnd des suns vnd des heiligen geists; sprich
iij pr nr vnd iij aue mra vnd j glauben in die
er der heiligen dreifaltigkeit. Dornoch nim im
aus dem wirbell in der stirn als viel hars du
mit zweie spiczigen Fingern ergreifen magst vnd
gib im es in einer wucz⁺⁺), wilder hirsens genant,
zu essen; wo du aber die selb wurcz nit gehalten
magst, So nim ein wenig brots vnd gib im das hor
mit zu essen. éps freisingesis.

(Heidelberg, Cod.Pal.Germ.255, f.79a, 16.Jh.)

- + } Darüber steht: dir.
++ } Schreibfehler für "wucz".